

Trabounan pa studia subsuelo na Sero Colorado a inicia

**ORANJESTAD – Reci-
entamente trabounan pa
studia subsuelo na Sero
Colorado a inicia.**

E 'grondonderzoek' cu ta tumando luga ta pa e proyecto di hotel na Sero Colorado. Mirando cu no tin ningun otro cueba natural na e sitio y tampoco mina di fosfaat, mester tene cuenta cu e tunnel nan di awa. Esakinan ta rekisitonan y condicionnan cu Gobierno a pone. Ta trata di tunnelnan di awa cu a wordo traha den e periodo di Lago. Mester enfatisa cu e tunnel nan lo wordo conserva y nan lo keda publico tambe.

Segun e comunicado cu Bon Dia Aruba a ricibi ta indica, DOW lo percura den e prome fase aki, pa e especienan protegi cu tin na e sitio wordo mas tanto recoge pa por plantanan bek den otro proyectonan di Gobierno. E compania a haya un aanlegvergunning cu ta pone cu

na momento cu nan bay rosa e tereno pa haci esaki 'bouwklaar', cu nan lo mester pidi un ontheffing for di Directie Natuur en Milieu (DNM) pa entre otro e Bushinan cu tin riba e tereno aki, cu ta den e lista di especienan protegi. Ta calcula cu e trabounan aki di preparacion pa construccion lo inicia den luna di septem-

ber. Pa cual ta calcula cu construccion di e hotel mes, lo cuminsa october/november di e aña aki.

Tur departamento di Gobierno envolvi manera, DIP, DOW, Kadaster y DNM ta den comunicacion continuo y hunto cu e desaroyadornan, lo mester percura pa cumpli-

cu e maneho cu tin y tambe e leynan cu tin pa loke ta proteccion di nos medio ambiente y leynan di proteccion di cierto especienan.

Finalmente pa enfatisa, ta garantiza na comunidad cu e tunnel nan y balor natural na e sitio ta wordo tuma den consideracion y den e pro-

ceso ta percura pa anda cu esakinan na e miho forma. Pa esaki departamentonan menciona y Ministerio encarga cu infraestructura, naturalesa y medio ambiente, ta den contacto estrecho. Pa es motibo ta lamenta cu tin informacion erroneo cu ta circula riba media, riba e tema aki y e trabounan andando.

